

Forskrift [dato] om atferdsreglar og parkering på og ved Tinnhølvegen i Eidfjord kommune

Dato	
Publisert	
Ikrattredelse	
Gjelder for	
Hjemmel	<u>LOV-1957-06-28-16-§15</u>
Kunngjort	
Korttittel	Parkeringsforskrift for Tinnhølen, Eidfjord

Heimel: Fastsatt av Eidfjord kommunestyre dd.mm.åååå. Med heimel i lov 28. juni 1957 nr. 16 om friluftslivet (friluftsløven) § 15.

§ 1 Føremål

Føremålet med forskrifta er regulering av trafikk og ferdsel på og langs Tinnhølvegen frå avkøyring frå RV7 v/Tråastølen til og med parkeringsplassen på Tinnhølen og på Tråastølen. Føremålet med forskrifta er å regulere overnatting i bubil, campingvogn, telt og tilsvarende innretningar på parkeringsplassen ved Tinnhølen og på og langs Tinnhølvegen.

Forskrifta skal bidra til å hindre unødig slitasje på terreng og natur samt forstyrring av dyreliv. Forskrifta skal fremja at villreinen kan bevega seg fritt i trekksoner, disse trekksonene er definert med omsynssoner i reguleringsplanen for Tinnhølvegen med damområdet, planid. 2009002.

Forskrifta skal fremja ålmenta sin tilgang på areal for parkering som utgangspunkt for bruk av resten av Hardangervidda.

§ 2 Virkeområde

Parkeringsforskrifta vil gjelda frå og med avkøyring frå Rv7 ved Tråastølen og til bommen inn til Byen ved Tinnhølparkeringa. Den gjelder sjølve vegen med tilhøyrande grøfter. Den gjelder parkeringsplassar på Tråastølen, Tinnhølen og føresegnsområda merka med #1 (v/ Bjoreidalstjørna) og #2 (v/ Bjoreidalen) i reguleringsplanen for Tinnhølvegen med damområdet, planid. 2009002. For reglar knytt til telting gjeld i tillegg nemnte soner på 200 og 400 meter utanfor avgrensa område. Forskrifta gjeld alle besøkande og brukarar av Tinnhølvegen og parkeringsplass på Tinnhølen og Tråastølen og regulerer bruk, parkering og overnatting i virkeområdet.

Alle typar køyretøy definert som motorvogn etter vegtrafikklova fell innunder forskrifta.

Forskrifta gjeld heile året.

§ 3 Parkering

Parkering av motorvogn skal skje på parkeringsplass på Tinnhølen og Tråastølen og i tillegg på #1 og #2 i reguleringsplanen for Tinnhølvegen med damområdet, planid. 2009002. Parkering på parkeringsplass på Tråastølen og Tinnhølen skal skje slik reguleringsplanen for Tinnhølvegen med damområdet, planid. 2009002, syner. Traktorar kan parkere på plassar avsett til personbilar dersom plassar for traktorar er fulle.

På parkeringsplassen på Tråastølen og Tinnhølen, samt parkeringsområde markert med #1 og #2 i reguleringsplanen for Tinnhølvegen med damområdet, planid. 2009002 er det forbod mot overnatting i motorvogn, til dømes bubil, campingvogn, personbil og prærievogn.

I omsynssoner for villrein, H560, markert i reguleringsplanen for Tinnhølvegen med damområdet, planid. 2009002, er all parkering forbode til ein kvar tid. Desse sonene vil ved behov vera stengt i kortare periodar av omsyn til villreinen sitt trekk.

§ 4 Telting og annan form for friluftsovernatting

Det er ikkje tillatt å slå opp telt eller liknande innretningar på, og i ein sone på 400 meter omkring parkeringsplassen på Tinnhølen.

Tilsvarande er det ikkje tillatt å slå opp telt eller liknande innretningar i ein sone på 200 meter på kvar side av Tinnhølvegen frå Tråastølen til Tinnhølen.

For den eller dei som har særskilt løyve til overnatting på parkeringsfelt avsett til camping i reguleringsplanen for Tinnhølvegen med damområdet, planid. 2009002, er det tillatt å slå opp telt eller liknande i direkte tilknytning til si motorvogn.

§ 5 Gebyr

Gebyrsats for køyring på vegen, parkering og overnatting vert vedteke av Eidfjord kommunestyre kvart år.

§ 6 Forvaltningsorgan

Forvaltningsorgan for denne forskrift er Eidfjord kommune.

§ 7 Dispensasjon

Det kan søkjast om dispensasjon frå alle deler av forskrifta. Dispensasjonssøknad skal sendast til Eidfjord kommune og vil handsamast hjå Drift og Forvaltning.

§ 8 Brot på forskrifta

Brot på reglane gitt i føresegnene kan resultera i bortvising, bøtelegging og borttauing.

§ 9 Ikrafttreding

Forskrifta trer i kraft straks.